



Inatsisartuni ilaasortaq  
Tillie Martinussen, Demokraatit  
/MAANI

**Biilnik innaallagiamoortunik immiisarneq pillugu § 37 naapertorlugu  
apeqquteqaat nr. 2016-163-imut akissut**

18-07-2016  
Sagsnr. 2016-10684  
Dok. Nr. 11589100

Asasara Tillie Martinussen

Postboks 1614  
3900 Nuuk

5. juli 2016-imi biilnik innaallagiamoortunik immiisarneq pillugu Naalakkersuisunut  
apeqquteqarputit.

Tlf. (+299) 34 50 00  
Fax (+299) 34 54 10  
E-mail: pann@nanoq.gl  
www.naalakkersuisut.gl

Apeqquut biilnik innaallagiamoortunik misileraanermut, Naalakkersuisut  
suliniuteqarfigisaannut tunngasuvoq. Naalakkersuisut biilnik benziinatortunik  
dieselitortunillu toqqaasarnermut taarsiullugu biilnik innaallagiamoortunik  
toqqaasarnissaq ajornannginnerulersinniarpaat pilerinarnerulersinniarlugulu.  
Taamaattumik Nukissiorfiit Nuummi inssiarsuit pingasut sanianni immiivinnik, kiisalu  
illoqarfiup qeqqani immiinasuarfinnik ikkussiniarput. Misileraanermi misilittakkanik,  
aaqqissuussinermik ataavartumik pilersitsinissamut tunngaviliisussanik katersuinissaq,  
taamaalillunilu illoqarfimmi erngup nukinganik innaallagissiorfeqartuni arfiniliusuni  
tamani immiivissanik pitsaasunik neqerooruteqarsinnaalernissaq siunertarineqarpoq.

**1. Naalakkersuisunut biilnut innaallagiartortunut immiisarfiit qanoq ittut  
atorniarpaat aamma sooq?**

Immiiviit tamarmik biilnit innaallagiamoortunit tamanit atorneqarsinnaassapput.  
Immiinasuarfinnik tamanit atorneqarsinnaasunik atuisinnaanissamut  
matuersaateqarnissaq assigisaanilluunniit peqarnissaq pisariaqassanngilaq. Kisiannili  
immikkut immiiviit, inssiarsuit eqqaanut ikkunneqartussat biilnik innaallagiamoortunik  
piginnittut tamarmik immikkut atuisutut Nukissiorfinnut nalunaarnerminni, immiivinnik  
immikkut atuisinnaatitaasutut atuisinnaalissapput. Taamaalilluni immiivinnik atuinermi  
kukkusoqarnissaata siunertarinngisaanillu atuisoqarnissaata pinngitsoortinneqarnissaa  
qulakkeerneqassaaq.

Immiivissat qanoq ittut ikkunneqassanersut inaarutaasumik  
aalajangerneqarsimanngitsoq Nukissiorfinnit ilisimatitsissutigineqarpoq. Kisiannili  
inssiarsuit eqqaani immiivinnut ikkuffissat Wallb-e V 4.0-iunissaat

naatsorsuutigineqarpoq, kiisalu immiinasuarfissamut tunngatillugu Terra 53 CjG akiliisarfilik atorneqarsinnaanersoq misissorneqarpoq.

## **2. Nammineq pigisat biilit innaallagiartortut akiliutit atorlugit immertarnissaat periarfissaalissava, soorlu biilit benzinatortut/dieselitortut immertarnerattut?**

Aap, biilnut innaallagiamoortunut immiiviit pisortanit pigineqartut atornerinut korti akiliut atorneqartassaaq. Taamaalilluni atuisut akornanni assigiinngisitaartitsisoqarsinnaassaaq. Immiivik tankeqarfimmut inoqanngitsumut assersuunneqarsinnaassaaq, immiinerulli sivisunerulaartarnissaa naatsorsuutigineqassaaq.

Inssiarsuit killingini inuit namminneerlutik immiiviini akiliisitsisarnermi innaallagissamut akigititaasoq nalinginnaasoq atorneqassaaq. Taakku taamaalillutik biilnik innaallagiamoortunik piginnittunut, namminneerlutik illuminni immiinerlutik ikkuffeqartunut periaasiusoq assigalugu ingerlanneqassapput.

## **3. Naalackersuisut immiisarfinnik pilersitsineq/atuisarnek pillugu allanik paasissutissiisinnaappat?**

Ullumikkut biilnik innaallagiamoortunik immiisarnermut attaveqaatit amigaataanerut biilnik innaallagiamoortunik atuinermut akimmisaarfiusarpoq. Taamaattumik misilittakkanik, immiisarnermi aaqqissuussinernik naleqquttunik atuilernissamut tunngaviliisinnaasunik pissarsiniarnissaq pingaaruteqarpoq. Misileraanerup malinnaaffigineqarnerani pisortat aamma inuit namminneerlutik immiisarfiinik atuinermi misilittakkat misissorneqartarnissaat naleqqutissaaq, tassungalu immiisarfiit assigiinngitsut atorneqarsinnaanerinik akiliinissamullu periarfissanik allanngortitsinissamut pisariaqartitsinerit ilaatinneqassapput.

Inussiarnersumik inuulluaqqusillunga

Mala Høy Kúko